



## PAENITENTIARIA APOSTOLICA

Prot. N. 47/17/I

B E A T I S S I M E   P A T E R ,

Maria Catharina Krištofová, Superiorissa Generalis Sororum a Divino Redemptore, debitae oboedientiae et filialis venerationis sensus Sanctitati Tuae ex animo pandit et fiducialiter exponit die XXXI Iulii MMXVII centesimum et quinquagesimum expletum iri annum, ex quo Ven. Alfonsa Maria Eppinger, fundatrix praefatae Congregationis, in Domino obdormivit.

Ad felicem illum eventum rite celebrandum, peculiares sacrae functiones et varia spiritualia incepta, totum per iubilare tempus habent, eo intento fine ut salutaris devotio erga Ven. Alfonsam Mariam moveatur in fidelibus et, ipsa auxiliante, eorum mores impensius divino Evangelio conformentur.

Quo autem abundatius divinae gratiae thesaurus aperiatur fidelibus, qui sollemnes functiones in honorem Ven. Alfonsae Mariae peractas pie participant, Rev.ma Oratrix sacrarum Indulgenciarum donum a Sanctitate Tua implorat. Et Deus, etc.

**Die XXXI Ianuarii MMXVII**

PAENITENTIARIA APOSTOLICA, de speciali mandato Summi Pontificis Francisci, Eiusdemque paternam benevolentiam perquam libenter significans, *plenariam* largitur *Indulgenciam*, suetis condicionibus (sacramentali Confessione, eucharistica Communione et oratione ad mentem Summi Pontificis) rite adimpletis, sororibus, laicis sodalibus aliisque christifidelibus vere paenitentibus semel in die lucrādam, quam etiam animabus fidelium in Purgatorio detentis per modum suffragii applicare possint, dummodo Domus Matricis sacellum vel quodlibet sacellum Congregationis Sororum a Divino Redemptore, a die II proximi mensis Februarii usque ad diem XXXI Iulii MMXVII in forma peregrinationis devote visitaverint et ibi iubilari functioni vel pio exercitio interfuerint, vel saltem, per congruum temporis spatium, piis vacaverint considerationibus, concludendis Oratione Dominica, Symbolo Fidei, necnon invocationibus S. Deiparae Virginis et prece "ad gratias infundendas".

Sorores piique christifideles senectute, morbo vel alia gravi causa impediti, pariter *plenariam* consequi poterunt *Indulgenciam* si, concepta detestatione cuiusque peccati, et intentione praestandi, ubi primum licuerit, tres consuetas condiciones, coram aliqua sacra imagine iubilaribus celebrationibus se spiritualiter adiunixerint, suis precibus et doloribus misericordi Deo oblatis.

Quo igitur accessus, ad divinam veniam per Ecclesiae claves consequendam, facilior pro pastorali caritate evadat, haec Paenitentiaria enixe rogat ut sacerdotes opportunis facultatibus ad confessiones excipiendas praediti, in iubilaribus templis prompto et generoso animo celebrationi Paenitentiae sese praeveant ac S. Communionem infirmis saepe ministrent.

Praesenti pro hac vice tantum valituro. Contrariis quibuscumque minime obstantibus.

*Maurus Card. Piacenza*  
MAURUS Card. PIACENZA  
Paenitentiarius Maior

*Christophorus Nykiel*

CHRISTOPHORUS NYKIEL  
*Regens*